
MAÇÊN SAVA



Dr.Arif Hîto

(1)

Min hemî xwenên xwe
Xewnên xwe yên hilawîstî
Bi dûf êkve girêdan
Kirine di destê bay da
Û... hezên xwe
Ewên hemî xoşewîstî
Mitkirin û veşartin û
Kirine di guhê gay da
Xewnan...
Nefî kirme di nav zengên ket-

warîda
Hezan..
Bi giranî êxistime di bin barî da
Demê xerîbiya vegerê
Mejîyê min yê nîv nivistî
hişiyar kirî
Ne xewn... xewnên min bûn
Ne hez jî.. hezên min bûn
Ezek bê xewn
Bê hez
Dê maçekê li rûyê kê dem?!

(2)

Lêvên te..

Şekir jê di barî û ne yên te
Gulleyên bera şekira riştî û gul-
leyanda

Sitranên kesk

Yên bê sernav

Kehî di bin û di zên û vedizên

Di bine çoyan

Xewneka kel.. ya bê jivan

Bi dizîkîve çavên min kirine
reşmal û

Têda nihî wek dotmîran

Xewna min ya mest û ciwan

Ewa sitiranên veşerê û,

Xerîbiyê ji min ra di gotin û
Qet ne hatî

Ewa çendîn caran sil boyî û,

Her roj hatî

Ey xewna sermedî

Ma tu xewinrojî.. yan leşekê
gerim

Ma tu hêzeka germî... yan pey-
veka nerim

Ma tu ezî... yan jî terim

Di çavên minda di nivî û

Di destên minda di livî û...,

Miştî şerim.



(3)

Min rûyê gulekê birîndar kir
Hizaran birîn
Di leşê min yê birînoyî da azirîn
Min ronahîya rûyekî maç kir
Hizaran maç
Li ser lêvên min yên hişkboyî da
Êwirîn...

(4)

Saqî.. pêkekê işqê bîne
Mizyekî ji maça û,
Sitiraneke evîniyê
Himbêzeka gerim û peyveka
rastiyê
Ji hesta fîrhandî bi dirkîne
Jiyan... bêy maç
Qet ne jîne..

(5)

Supasiya min neke!
Ku min tu hebandî û,
Di çavên xwe yên bi ber çafikda
Çandî..
Rêkên dirêj û pir meynet
Şevên sar û bi çirîset
Ayeta işqeka pîroz
Di nav berperên te da xwandî

Supasiya min neke!

Ku gul.. min ji baxê te ne çinîn
Sitêr ji eniya te ne kirin
Demê kêlbên birsa kojek
Di goştê min yê zivirda çoyin
Çi navên gerim, min ji mala te
ne birin

Supasiya min neke!

Ku min xiyamet ne kir
Xewna te ya tazî di gel xwe ne
bir

Doza te...,

Hegbeyet bû, li ser piştê min
Dexwana te... ji xwîna min
Gopalê te.. ji nivêja min
Û.., bûna te jî, ji mirna min
Supasiya min neke!

Peyvên şirîn û direwîn..,

Ji min ra ne bêje

Avrûya minê pepîk û hejar

Ji dîtinê ne rêje

Çi sitiranên dî yên xoş ne darêje

Supasiya min neke!

Lê..,

Çi xencerên jehir kirî ji piştê

Ji piştê...,

Li min nede.